



Rhodolphus honestis parentibus Tiguri apud Heluetios natus est, anno circiter 1518. Ibi cum felici ingenio conspicuus esset, à pueris operam literis dedit, atq; prima artium & linguarum fundamenta facile posuit. Inde quoq; exteras celebriores scholas inuisit, & præclaram sibi in omni genere linguarum & artium eruditionem comparauit. quin etiam Poëticae incubuit, & bonorum authorum lectionem sibi familiarem reddidit. Postea in patriam reuersus, Zuinglio præceptore usus, sacras literas euoluere coepit, & tandem talis euasit, ut etiam doctissimis Theologis conferri possit. Accedebat & morum grauitas, & dicendi naturalis quædam elo-

quentia. Id cum Tigurinus Magistratus cognouisset, eum anno circiter 1542, post mortem Leonis Iudæ, ad S. Petrum in minori urbe Tigurina pastorem elegit, & Euangelium annuntiare iussit. id quod ipse magna semper fidelitate præstitit, & cunctis ciuibus gratissimus fuit.